

Ляб адзисьёс

Детективъёсты ярато

Йёскалык библиоте-
текаын вань сукур
но ляб адзись адя-
миослы нимысьтыз
книгаос дасясь ёз.

Соос Брайльэн шриф-
тэныз, бадзым буквао-
сын но книгаос лэсьто.
Та ёзэн кивалтись Ната-
лья Демешева верамъя,
кылем арын 20 книга (40
экземпляр) синтэм но
ляб адзисьёслы дасямын
вал. Тросэз соос шаер-
тодонэн герзаськемын.
Кылсярысь, «Мы удмур-
ты: языческие боги на-
рода». Озы лыдзисьёс
тодо Инмар, Кылдысин,
Шунды-Мумы сярысь.
Книгаез чеберьяло
тодмо суредасьлэн
М. Гариповлэн иллюс-
трациосыз.

— Кылем арын ик
потиз «Зоркое сердце»
книга. Отчы пыризы
быдэс Россиысь «Со-
творчество» литературая
конкурсэ пыриськем
синтэм но ляб кылсь
авторъёслэн веросьёссы,
кылбуръёссы, очеркъёс-
сы. Туэ но ми дасялом
зуч но удмурт кылын
изданиосты, — шуэ На-
талья Николаевна.
Туннэ библиотекае
730 синтэмъёс но ляб
адзисьёс гожтиськемын.
Пересьмыса синтэм
кылемъёслы Брайльэн
шрифтэзлы дышыны се-
кыт. Соин таёе пересьёс
но пичиос сямен ик
ярато куараен книгаос-
ты. Тужгес ёем юало
детективъёсты. Озы
ик мыло-кыдо лыдзо
классикаез —

А. Пушкинэз, И. Бунинэз,
А. Купринэз. Тузон
пуксьыса уг вуы
В. Короленколэн «Сле-
пой музыкант» книгаез
вылэ но.